

歷代帝王宅京記卷五

崑山顧炎武著

吳縣朱記榮校刊

關中三

漢

甘泉苑 武帝置緣山谷行至雲陽三百八十一里西入扶風凡周回五百四十里苑中起宮殿臺閣百餘所有僊人觀石闕封巒觀鳩鵲觀

廣明苑 水經注其一渠東經奉明縣廣城鄉之廣明苑南史皇孫及王夫人葬於郭北宣帝遷苑南以為悼園益園民千六百家立奉明縣以奉二園園在東都門昌邑王賀自霸御法駕郎中令龔遂驂乘至廣明東都

歷代帝王宅京記卷五

一

朱氏槐廬校刊

門是也

三十六苑 漢儀注太僕牧師諸苑三十六所分布北邊西邊以郎為苑監宦官奴婢三萬人養馬三十萬匹養鳥獸者通名為苑故謂牧馬處為苑

梨園 雲陽宮記曰雲陽車箱坂下有梨園一頃梨數百枝青翠繁密望之如車蓋

昆明池

池已下沼

漢武帝元狩四年穿在長安西南周回四十里西南夷傳曰天子使使求身毒國而為昆明所閉天子欲伐之昆明國有滇地方三百里故作池以象

之以習水戰因明曰昆明池

漢書曰元狩三年減隴西北地上郡戍卒之半及吏

弄法者謫之穿此池

食貨志曰時越欲與漢用船戰遂乃大修昆

明池三輔舊事曰昆明池地三百三十二頃中有戈船各數十樓船百艘船上建戈矛四角悉垂幡旄旒葆麾蓋照灼涯涘圖曰上林苑有昆明池周匝四十里廟記曰池中後作豫章大船可載萬人上起宮室因欲游戲養魚以給諸陵祭祀餘付長安廚西京襍記作付長安市賣之三輔故事又曰池中有豫章臺及石鯨刻石爲鯨魚長三丈每至雷雨常鳴吼鬣尾皆動之西京襍記曰後世祭之以祈雨往往有驗一說甘泉宮南有昆明池池中有靈波殿皆以桂爲殿柱風來自香又曰池中有龍首船常令宮女泛舟池中張鳳蓋建華旗作權歌襍以鼓吹帝御豫章觀臨觀焉關輔古語曰昆明池中有二石人立牽牛織女于池之東西

歷代帝王宅京記卷五

二

朱氏槐廬校刊

以象天河張衡西京賦曰昆明靈沼黑水元阯牽牛立其左織女居其右今有石父石婆神祠在廢池疑此是也武帝初穿池得黑土帝問東方朔朔曰西域胡人知之乃問胡人胡人曰劫燒之餘灰也魏書世祖太平真君元年二月發長安五千人後昆明池高祖太和二年十一月博土姜須諫幸昆明池後周書閔帝欲觀漁于昆明池七年七月幸昆明池舊唐書高祖武德六年三月乙未幸昆明池九年三月辛卯幸昆明池三月乙未幸昆明池西苑于昆明池會昌元年二月壬寅幸昆明池大厯二年二月壬寅幸昆明池陳固聘西魏宴一麟不獲人以南人嗜魚大設網以佛法呪之遂顧綽左莫有或曰蘇綽博物至通請問之太祖召綽具對綽者有口辨應對如流竟不設網罟而還馬德宗貞元十三年命京徐行對至池竟不設網罟而還馬德宗貞元十三年命京

兆尹韓皋充使浚之追尋漢制引交河澧水合流入池  
鎬池 在昆明池北卽周之故都也廟記曰長安城西  
有鎬池在昆明池北周匝二十二里漑地三十三頃史  
記秦始皇三十六年使者從關東夜至華陰平舒道有  
人持璧遮使者曰爲吾遺鎬池君因言曰今年祖龍死  
使者問其故忽不見置其璧去使者奉璧具以聞始皇  
默然良久曰山鬼不過知一歲事也退言曰祖龍者人  
之先也使御府視璧乃二十八年渡江所沈璧也

滄池 在長安城中舊圖云未央宮有滄池言池水蒼

色也注曰沈水枝渠于章門西引水入城東爲滄池池在未央宮西

太液池 在長安故城西建章宮北未央宮西南太液

歷代帝王宅京記卷五 三

朱氏槐廬校刊

者言其津潤所及廣也關輔記云建章宮北有池以象

北海刻石爲鯨魚長三丈漢書曰建章宮北治大池名

曰太液池中起三山以象瀛洲蓬萊方丈刻金石爲魚

龍奇獸異禽之屬廟記曰建章宮北池名太液周回十

頃有采蓮女命鶴之舟三輔舊事云日出暘谷浴于咸

池至虞淵卽暮此池象之也昭帝元始元年春黃鵠下

建章宮太液池西京雜記曰太液池邊皆是雕胡紫蘄

胡葭蘆之未解葉者謂之紫蘄蘄之有首者謂之綠節其間鳧雛鴈子布滿充積又多紫龜綠鼈池邊多平沙

沙上鵝鷓鴣與鵠鵠清曠舟動輒成羣又曰太液池中有鳴鶴舟容與舟清曠舟採菱越女舟太液池西有

一池名孤樹池中有洲嘉拾遺記曰成帝嘗以秋

日與趙飛燕戲於太液池以沙棠木爲舟以雲母飾於

行以驚飛燕命飲飛之土以金鎖玩雲擷菱渠帝上每憂輕蕩  
時至飛燕殆欲隨風入水帝以翠纓結裾之飛處也  
裾今太液池尚有避風臺即飛燕結裾之處也

唐中池 周回十二里在建章宮太液池南

百子池 在建章宮西西京雜記曰漢時宮中嘗以七月七日臨百子池作于闐樂

十池 上林苑有初池糜池牛首池司馬相如上林賦曰濯鷁牛首郭璞

注曰牛首池在豐 蒯池積草池西京雜記曰池中南山

水西北近漕河 二高一條名曰烽火樹夜有光景常歛然 東陂池西陂池

當路池大臺池郎池牛首池在上林苑中西頭蒯池生蒯艸以織席西陂池郎池皆在右城南上林苑中陂即

二水名因為池初學記引三秦記曰漢上林有池十五

歷代帝王宅京記卷五 四

朱氏槐廬校刊

所承露池昆靈池池中有倒披蓮連錢荇浮浪根菱天

泉池上有蓮樓閣道中有紫宮戟子池龍池魚池牟首

池蒯池蘭鶴池西陂池當路池東陂池太乙池牛首池

積艸池糜池百子池以上共十八名未詳

少府飲飛外池 漢儀注飲飛具贈繳以射鳧鴈給祭

祀故有池孝元紀初元二年詔罷少府飲飛外池嚴籓池田假與貧民

酒池 在長安故城中廟記曰長樂宮中有魚池酒池

池上有肉炙樹秦始皇造漢武行舟於池中酒池北起

臺天子於上觀牛飲者三千人又曰武帝作以夸羌胡

飲以鐵盃重不能舉皆抵牛飲西征賦云酒池監於商

辛追覆車而不悟

影娥池 在建章宮武帝鑿池以翫月其旁起望鵠臺

琳池 昭帝元始元年穿廣千步王嘉拾遺記曰池中

狀如駢蓋日照則葉低蔭根莖若葵之衛足名曰低光

荷實如元珠可以飾佩花葉葳蕤芬馥之氣徹十餘里

以文梓為船木蘭為柁刻飛燕鷓鴣時命於船首隨風輕

漾畢元鳳二年於琳池之南起桂臺無遺址溝池已平液

之水有一連理桂樹上枝跨於渠水下枝隔岸而南生與上枝同株

鶴池 在長安城西

盤池 在長安城西北

冰池 在長安西舊圖云西有彪池亦名聖女泉蓋冰

彪聲相近而訛也

蒲池 漢書郊祀志五帝廟臨池其北穿蒲池

歷代帝王宅京記卷五 五 朱氏槐廬校刊

靈臺已下臺榭 在長安西北八里漢始曰清臺本為候者

觀陰陽天文之變更名曰靈臺郭緣生述征記曰長安

宮南有靈臺高十五仞上有渾儀張衡所制又有相風

銅烏遇風乃動有銅表高八尺長一丈三尺廣尺二寸

題曰太初四年造

柏梁臺 武帝元鼎二年起在未央宮北門內三輔舊

事云以香柏為梁也帝嘗置酒其上詔羣臣和詩能七

言詩者乃得上五行志太初元年十月未央宮柏梁臺

災

漸臺 在未央宮高十丈一作三丈漸浸也言為池水所

漸一說漸臺星名也晉天文志漸臺四星在水經注曰

未央宮西有滄池池中有漸臺師古曰未央殿西南漢

兵起王莽死於此臺南有璧門三層高三十餘丈中殿

十二閒階陛咸以玉爲之鑄銅鳳五丈飾以黃金樓屋

上椽首薄以玉璧因曰璧玉門也

神明臺見建章宮

涼風臺 在長安故城西建章宮北關輔記曰建章宮

北作涼風臺積水爲樓

長樂宮有魚池臺酒池臺秦始皇造又有著室臺鬪雞

臺走狗臺壇臺漢韓信射臺又未央宮有果臺東西山

二臺未央宮有鈎弋臺通靈臺望鵠臺眺蟾臺桂臺商

臺避風臺並見上

歷代帝王宅京記卷五 六

朱氏槐廬校刊

通天臺 武帝元封二年作甘泉通天臺漢舊儀云通

天臺者言此臺高通於天也漢武故事築通天臺於甘

泉去地百餘丈雲雨悉在其下望見長安城武帝時祭

泰山上通天臺舞八歲童女三百人祠祀招仙人祭泰

一云令人升通天臺以候天神天神既下祭所若大流

星乃舉烽當作火而就竹宮望拜上有承露槃仙人掌

擎玉杯以承雲表之露元鳳閒臺自毀榱桷皆化爲龍

鳳隨風雨飛去西京賦云通天諺以竦峙徑百常而莖

擢上辯華以交紛下刻隋其若削亦曰候神臺又曰望

仙臺以候神明望神仙也

長楊榭 在長楊宮秋冬校獵其下命武士搏射禽獸

天子登此以觀焉臺上有水曰榭

豫章觀已下閣武帝造在昆明池中亦曰昆明觀一說

曰上林苑中有昆明池觀桓譚新論云元帝被疾遠求方士漢中送道士王仲都詔問所能對曰能忍寒乃以隆冬盛寒日令袒載駟馬於上林昆明池上環以冰而御駟者厚之狐裘寒戰而仲都無變色卧於池上曛然自若卽此也

飛廉觀 在上林苑武帝元封二年作飛廉神禽能致風氣者武帝以銅鑄置觀上因以爲名高四十丈後漢明帝永平五年至長安迎取飛廉并銅馬置上西門外爲平樂觀董卓悉銷以爲錢

歷代帝王宅京記卷五 七

朱氏槐廬校刊

屬玉觀 在扶風屬玉水鳥似鷓鴣以名觀也宣帝甘露二年行幸萑陽宮屬玉觀

青梧觀 在五柞宮之西西京雜記曰觀前有三梧桐樹下有石麒麟二枚刊其脇爲文字是秦始皇驪山墓上物也頭高一丈三尺東邊者前左脚折折處有赤如血父老謂其有神皆含血屬筋焉

射熊館 在長楊宮

石闕觀封巒觀 雲陽宮記云宮東北有石門山岡巒糾紛干霄秀出有石巖容數百人上起甘泉觀甘泉賦云封巒石闕弭迤乎延屬  
白楊觀在昆明池東

長平觀

在池陽宮臨涇水

亦作館元后傳登長平館臨涇水而覽焉後漢書

獻帝紀韓遂馬騰與郭汜樊稠有觀於長平觀遂騰敗長注前書音義曰長平陂名也上有觀在池陽宮南去長

安五里

龍臺觀

在豐水西北近渭

涿木觀

在上林苑

細柳觀

在長安西北三輔舊事云漢文帝遣將軍周

亞夫屯細柳今呼古徼是也

僊人觀霸昌觀蘭池觀安臺觀淪沮觀在城外又有禁

觀董賢觀蒼龍觀當市觀旗亭觀樓馬伯騫樓在城內

麒麟朱鳥龍興含章皆館名

繭館

漢宮闕疏云上林苑有繭館蓋蠶繭之所也

歷代帝王宅京記卷五

八

朱氏槐廬校刊

石渠閣

蕭何造其下礮石爲渠以導水若今御溝因

爲閣名所藏入關所得秦之圖籍至成帝又於此藏秘

書焉三輔故事云在未央宮殿北甘露中五經諸儒雜

論於石渠閣

天祿閣

藏典籍之所在未央宮殿北漢宮殿疏云天

祿麒麟閣蕭何造以藏秘書處賢才也劉向於成帝之

末校書天祿閣專精覃思夜有老人著黃衣植青藜杖

叩閣而進見向暗中獨坐誦書老父乃吹杖端烟然以

見向授五行洪範之文恐詞說繁廣忘之乃裂裳及紳

以記其言至曙而去請問姓名云我是太乙之精天帝

聞卯金之子有博學者下而觀焉乃出懷中竹牒有天



文地圖之書曰余畧授子焉至子歆從授其術向亦不語此人焉

麒麟閣 在未央宮廟記云蕭何造張晏曰武帝獲麒麟時作漢書

宣帝思股肱之美乃圖霍光等十一人於麒麟閣

三秦記云未央宮有堯閣廟記云未央宮有白虎閣屬

車閣

掖門 漢書呂后紀朱虛侯章從太尉勃請卒千人入

未央宮掖門師古曰非正門而在兩旁若人之臂掖也

永巷 永長也宮中之長巷幽閉宮女之有罪者武帝

時改爲掖庭置獄焉列女傳周宣王姜后脫簪珥待罪永巷

辟雍 在長安西北七里漢書河閒獻王來朝獻雅樂

歷代帝王宅京記卷五 九 朱氏槐廬校刊

武帝對之三雍宮卽此禮志曰成帝時健爲郡水濱得古磬十六枚劉向說帝宜興

辟雍焉水經注曰渭水又東合漕渠又東逕長安縣南東逕明堂南舊引水爲辟雍處在鼎路門東南七里

其制上圓下方九宮十二年立渠南有五室堂北三百步有靈臺是漢平帝永始四年立渠南有漢故圓邱成帝建

始二年罷雍五時始祀皇天上帝於長安南郊應劭曰天郊在長安南卽此也

明堂 在長安西南七里漢書曰武帝初卽位嚮儒術

以文學爲本議立明堂於城南以朝諸侯應劭注曰漢

武帝造明堂王莽脩飾令大

圓邱 在昆明故渠南高二丈周回百二十步

太學 在長安西北七里王莽作宰衡時建弟子舍萬

區起市郭上林苑中三輔舊事云漢太學中有市有獄

漢立四廟祖宗廟異處不序昭穆

太上皇廟 在長安故城中香室街南鴻翔府北關輔  
記曰在酒池北

高祖廟 在長安故城中關輔記曰秦廟中鐘四枚皆  
在漢高祖廟中三輔舊事云高廟鐘重十二萬斤漢舊  
儀云高祖廟鐘十枚各受十石撞之聲聞百里漢書文  
帝時盜取高廟玉環故事云光武至長安以宗廟燒蕩  
爲墟乃徙都雒陽取十廟合於高廟作十二室太常卿  
一人別治長安主知高廟事高廟有便殿凡言便殿便  
室便坐者皆非正大之處所以就便安也  
高園 於陵上作之既有正寢以象平生正殿路寢也  
又立便殿於寢側以象休息閑宴之處也

歷代帝王宅京記卷五 十

朱氏槐廬校刊

原廟 孝惠更於渭北建高帝廟謂之原廟漢書叔孫

通傳曰惠帝爲東朝長樂宮及閒往師古曰非大廟數

蹕煩民作復道復讀曰複方築武庫南如瀆曰方始通奏事

因請閒曰陛下何事築復道高帝寢衣冠月出游高廟

應劭曰月旦出高帝衣冠備法駕名曰游衣冠晉灼曰黃圖高廟在長安城門街東寢在桂宮北子孫

奈何乘宗廟道上行哉惠帝懼曰急壞之通曰人主無

過舉師古曰舉事不當有過失今已作百姓皆知之矣願陛下爲原

廟渭北師古曰原重也先已有衣冠月出游之益廣宗

廟大孝之本上乃詔有司立原廟

惠帝廟 在高帝廟後

文帝廟 號顧成見上

景帝廟

號德陽宮

史記是景帝廟也帝自置之諱不

言廟故號為宮

武帝廟

號龍淵今長安西茂陵東有其處作銅飛龍

故以名

昭帝廟

號徘徊

宣帝廟

號樂遊

見上

元帝廟

號長壽

成帝廟

號陽池

太上皇有寢廟園原廟昭靈后武哀王昭哀后皆有園  
孝惠皇帝有寢廟園孝文太后孝昭太后皆有寢園衛  
思后皇祖悼考皆有廟園廟曰奉明

歷代帝王宅京記卷五

十二

朱氏槐廬校刊

元成之世祖宗廟在郡國者六十八合百六十七所京  
師自高祖至宣帝與太上皇悼皇考各自居陵旁立廟  
并為百七十六又園中各有寢便殿日祭於寢月祭於  
殿時祭於便殿寢日四上食廟歲二十五祠便殿歲四  
祠又月一游衣冠四時祭宗廟用太牢列侯皆獻酌以  
助祭諸諸侯王及列侯歲時諸京師侍祠助祭  
南北郊天郊在長安城內地郊在長安城北所屬掌治  
壇墠郊宮歲時供張以奉郊祀武帝定郊祀之事祠太  
一於甘泉圓邱取象天形就陽位也祀后土於汾陰澤  
中方邱取象地形就陰位也至成帝徙泰時后土於京  
師始祀上帝於長安后郊祀后土於長安北郊

漢初除秦社稷立漢社稷其後又立官社配以夏禹而不立官稷至平帝元始三年始立官稷於官社之左

太上皇陵 高帝葬太上皇於櫟陽北原因置萬年縣於櫟陽大城內以爲奉陵邑其陵在東者太上皇在西者昭靈后也

高祖初居櫟陽故太上皇崩葬北原在

高祖長陵 在渭水北去長安城三十五里山東西廣一百二十步高十三丈長陵城周七里百八十步因爲殿垣門四出及便殿掖庭諸宮寺皆在中

呂后陵 在高祖陵東按史記高后合葬長陵註云漢帝后同塋則爲合葬不合陵也

惠帝安陵 去長陵十里在長安城北三十五里安陵

歷代帝王宅京記卷五

十二

朱氏槐廬校刊

有果園鹿苑云

文帝霸陵 在長安城東七十里因山爲藏不復起墳就其水名以爲陵號

景帝陽陵 在長安城東北四十五里按景帝五年作陽陵起邑陽陵山方百二十步高十丈

武帝茂陵 在長安城西北八十里建元二年初置茂陵邑本槐里縣之茂鄉故曰茂陵周回三里三輔舊事云武帝於槐里茂鄉徙戶一萬六千置茂陵高一十四丈一百步茂陵園有鶴觀

昭帝平陵 在長安城西北七十里去茂陵十里

宣帝杜陵 在長安城南帝在民間時好游鄠杜閒故

葬此

元帝渭陵 在長安城北五十六里

成帝延陵 在扶風去長安六十二里王莽時遣使壞

渭陵延陵園門罍罍曰毋使民復思也又以墨色洿其

周垣

哀帝義陵 在扶風渭城西北原上去長安四十六里

平帝康陵 在長安北六十里興平原口

文帝母薄太后南陵 在霸陵南故曰南陵

昭帝母趙婕妤雲陵 在雲陽甘泉宮南今人呼為女

陵

李夫人墓 在茂陵西北一里東西五十步南北六十

歷代帝王宅京記卷五

十三

朱氏槐廬校刊

步高八丈俗名英陵亦曰集僊臺

漢有長水中壘屯騎虎賁越騎步兵射聲胡騎八營宿

衛王宮周廬值宿處

虎威章溝皆署名

武庫 在未央宮蕭何造以藏兵器水經注昆明故渠

出二宮之閭又東立武庫北樛里子秦人號曰智囊葬於渭南章臺之東

異曰後百歲當有天子之宮夾我墓里至漢興長樂宮

在其東未央宮在其西武庫正其墓秦人諺曰力則

任鄙智則樛里田蚡傳嘗請考工地益宅上怒曰君

靈金內府 太上皇微時佩一刀長三尺上有銘字難

識傳云殷高宗伐鬼方時所作也高祖以之斬白蛇及

定天下藏於寶庫守藏者見白氣如雲出戶狀若龍蛇  
呂后改庫曰靈金藏惠帝卽位以此庫貯禁兵器名曰  
靈金內府

太倉 蕭何造在長安城外東南在禁苑西北距中渭橋與長安故城相接

四面俱十三里亦隸苑中

細柳倉嘉倉 在長安西渭水北古徼西有細柳倉城  
東有嘉倉

未央大廡 在長安故城中漢官儀曰未央宮六廡長  
樂承華等廡令皆秩六百石

翠華廡大輅廡果馬廡輓梁廡騎馬廡大苑廡胡河廡  
騶駼廡皆在長安城外

歷代帝王宅京記卷五

十四

朱氏槐廬校刊

霸昌觀馬廡 在長安城外

都廡天子車馬所在中廡皇后車馬所在

獸圈九彘圈一 在未央宮中郡國志曰虎圈在通化門東二十五里文

帝問上林苑及馮媛當熊皆此處獸圈上有樓觀

蠶室 行腐刑之所也司馬遷下蠶室

鐘室 在長樂宮呂后縛韓信置鐘室中

作室 尙方工作之所

蠻夷邸 在長安城內藁街師古曰若今鴻臚客館

橫橋 三輔舊事云秦造橫橋漢承秦制廣六丈三百

八十步置都水令以掌之號爲石柱橋漢末董卓燒之

謂之北首壘石水中故

渭橋 在長安北三里跨渭水爲橋秦始皇造刻石作力士孟賁等像

霸橋 在長安東跨水作橋漢水送客至此橋折柳贈別王莽時霸橋災

便門橋 武帝作上見

飲馬橋 在宣平城門外

楊溝 長安御溝謂之楊溝謂植高楊於其上也

長安九市 廟記云長安市有九各方二百六十六步

六市在道西三市在道東凡四里爲一市致九州之人

在突門夾橫橋大道市樓皆重屋又曰旗亭樓在杜門

大道南又有當市樓有令署以察商賈貨財買賣貿易

歷代帝王宅京記卷五

十五

朱氏槐廬校刊

之事三輔都尉掌之直市在富平津西南二十五里秦

文公造物無二價故以直市爲名班固西都賦云九市

開場貨別隧分張衡西京賦云廓開九市通闐帶闐旗

亭五重俯察百隧是也又有柳市漢宮闕疏細柳倉有柳市東市西

市在醴泉坊長安西市郡國志長安大俠萬子夏名

章居柳市史記司馬季主卜於東市鼂錯朝服斬於東

市西京雜記漢元始間太學列槐數百行諸生朔望會

百官表京兆有長安及五都立五均官更名長安東西市

食貨志莽於長安及五都立五均官更名長安東西市

令及洛陽西鄆臨畿洛陽稱中餘回都各用東西南北

爲人稱錢皆府丞一易人  
長安八街九陌 有香室街夕陰街尙冠前街三輔舊

事云長安城中八街九陌漢書劉屈氂妻梟首華陽街  
京兆尹張敞走馬章臺街陳湯斬郅支王首懸藁街  
長安城中閭里 長安閭里一百六十室居櫛比門巷  
修直潘岳西征賦尙冠修成黃棘宣明建陽昌陰北煥  
南平李善注皆里名漢書萬石君石奮徙家長安戚里  
宣帝爲曾孫舍長安尙冠里劉向列女傳節女長安大  
昌里人也

後漢

光武帝建武十九年修西京宮室

趙

晉書載記曰劉曜都長安起光世殿於前紫光殿於後

歷代帝王宅京記卷五

十六

朱氏槐廬校刊

繕宗廟社稷南北郊 立太學於長樂宮東小學於未  
央宮西曜命起艷明觀立西宮建凌霄臺於鎬池又將  
於霸陵西南營壽陵侍中喬豫和苞諫止之省艷水囿  
以與貧戶

後趙

晉書載記曰石季龍發雍洛秦并州十六萬人城長安  
未央宮

秦

晉書載記曰苻健僭卽皇帝位於太極前殿  
置來賓館於平朔門以懷遠人起靈臺於杜門  
苻堅起明堂繕南北郊



自永嘉之亂庠序無聞堅頗留心儒學王猛整齊風俗  
政理稱舉學校漸興關隴清宴百姓豐樂自長安至於  
諸州皆夾路樹槐柳二十里一亭四十里一驛旅行者  
取給於塗工商貿販於道百姓歌之曰長安大街夾樹  
楊槐下走朱輪上有鸞棲英彥雲集誨我萌黎  
堅置聽訟觀於未央之南

後秦

晉書載記曰姚興起浮圖於永貴里立波若臺於中宮  
沙門坐禪者恒有千數

後魏

周書薛澄傳曰大統四年宣光清徽殿成澄爲之頌

歷代帝王宅京記卷五

十七

朱氏槐廬校刊

後周

周書明帝本紀曰二年冬十二月癸亥太廟成

武成二年春三月辛酉重陽閣成

武帝本紀曰武成二年冬十二月改作路門應門

保定三年秋八月丁未改作路寢

天和元年春正月辛巳路寢成幸之令羣成賦古詩京  
邑耆老並預會焉頒賜各有差

二年春三月癸酉改武遊園爲道會苑丁亥初立郊邱  
壇壝制度

建德元年冬十二月庚寅幸道會苑以上善殿壯麗遂  
焚之

六年夏五月己丑詔曰朕欽承丕緒寢興寅畏惡衣菲食貴昭儉約土棟下宇土階茅屋猶恐居之者逸作之者勞詎可廣厦高堂肆其嗜欲往者冢臣專任制度有違正殿別寢事窮壯麗非直雕牆峻宇深戒前王而締構宏敞有踰清廟不軌不物何以示後兼東夏初平民未見德率先海內宜自朕始其路寢會義崇信含仁雲和思齊諸殿農隙之時悉可毀撤雕斲之物並賜貧民繕造之宜務從卑樸

宣政元年春三月戊辰於蒲州置宮廢同州及長春二宮

帝身衣布袍寢布被無金寶之飾宮殿華綺者皆撤毀之改爲土階數尺不施櫺棋其雕文刻鏤錦繡纂組一皆禁斷後宮嬪御不過十餘人

宣帝本紀曰大象二年春三月辛卯行幸同州乙未改同州宮爲天成宮

帝所居宮殿帷帳皆飾以金玉珠寶光華炫燿極麗窮奢又以五色土塗所御天德殿各隨方色

隋

隋書高祖本紀曰開皇四年夏六月壬子開渠自渭達河以通運漕

十三年春二月丙子詔營仁壽宮

十八年冬十二月自京師至仁壽宮置行宮十有二所

舊唐書封倫傳曰楊素將營仁壽宮引倫爲土木監隋文帝至宮所見制度奢侈大怒曰楊素爲不誠矣殫百姓之力雕飾離宮爲吾結怨於天下素惶恐慮將獲譴倫曰公當勿憂待皇后至必有恩詔明日果召素入對獨孤后勞之曰公知吾夫妻年老無以娛心盛飾此宮豈非孝順素退問倫曰卿何以知之對曰至尊性儉故初見而怒然雅聽后言后婦人也惟麗是好后心旣悅帝慮必移所以知耳素歎服曰揣摩之才非吾所及煬帝本紀曰大業五年春二月己未上御崇德殿之西院愀然不怡謂左右曰此先帝之所居實用增感情所未安宜於此院之西別營一殿

歷代帝王宅京記卷五

十九

朱氏槐廬校刊

地理志曰京兆郡城東西十八里一百一十五步南北十五里一百七十五步東西通化春明延興三門南面啟夏明德安化三門西面延平金光開遠三門北面光化一門里一百六市二

大興縣有長樂宮

長安縣有僊都福陽太平等宮有舊長安城

盩厔縣有宜壽仙遊文山鳳凰等宮

鄠縣有甘泉宮

渭南縣有步壽宮

華陰縣有興德宮

馮翊郡朝邑縣有長春宮

扶風郡雍縣有岐陽宮  
郿縣有安仁宮鳳泉宮  
普潤縣有仁壽宮

歷代帝王宅京記卷五終

歷代帝王宅京記卷五

二十

朱氏槐廬校刊